



ZAPISNIK O RADU 12. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 27.10.2021. GODINE U VIJEĆNICI
(PRED POČETAK SEDME SJEDNICE GRADSKOG VIJEĆA GRADA SARAJEVA)

Broj: 01-GV-02-1323/21
Sarajevo, 27.10.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Adi Škaljić, predsjedavajući Kluba gradskih vijećnika Naše stranke
7. Enisa Spahić, predsjedavajuća Kluba gradskih vijećnica „Demokratska fronta-Enisa Spahić - Amra Zulfikarpašić“
8. Drago Jurić, zamjenik predsjedavajućeg Kluba gradskih vijećnika „USD-BOSS“
9. Elvedin Korora, predsjedavajućeg Kluba gradskih vijećnika „Korora/Skorupan“
10. Seid Škaljić predsjedavajući Kluba gradskih vijećnika „Narodni evropski savez (NES) - Željko Majstorović“
11. Mila Eminović Rizvanović, sekretar Gradskog vijeća

Odsutni: Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“ i Muamer Mekić, predsjedavajući Kluba gradskih vijećnika Socijaldemokratske partije BiH

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici je prisustvovala Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća, je otvorio sjednicu u 8,30 sati, pozdravio prisutne, te konstatovao kvorum za punovažan rad i odlučivanje.

Na prijedlog Jasmin Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, **je usvojio** Zapisnik o radu 11. sjednice Kolegija Gradskog vijeća, održane 18.10.2021. godine.

Na prijedlog Jasmina Ademovića, predsjedavajućeg Gradskog vijeće, Kolegij Gradskog vijeća, bez rasprave, jednoglasno, **je usvojio** dnevni red 12. sjednice Kolegija Gradskog vijeće, tako da glasi:

1. Kandidiranje novog člana Odbora za dodjelu „Šestoaprilske nagrade Grada Sarajeva“ za 2022. godinu iz reda istaknutih javnih djelatnika
2. Tekuća pitanja



Ad 1)

Kandidiranje novog člana Odbora za dodjelu „Šestoaprilske nagrade Grada Sarajeva“ za 2022. godinu iz reda istaknutih javnih djelatnika

U uvodnim napomenama Jasmin Ademović, predsjedavajući Gradskog vijeća je podsjetio članove Kolegija Gradskog vijeća da je na 11. sjednici održanoj dana 18.10.2021. godine Kolegij Gradskog vijeća kandidovao Komisiji za izbor i imenovanja Gradskog vijeća šest kandidata za članove Odbora za dodjelu „Šestoaprilske nagrade Grada Sarajeva“ u 2022. godini iz reda istaknutih javnih djelatnika.

Komisija za izbor i imenovanja je na 11. sjednici održanoj dana 18.10.2021. godine utvrdila Prijedlog Odluke o imenovanju Odbora za dodjelu „Šestoaprilske nagrade Grada Sarajeva“ u 2022. godini i uputila ga Gradskom vijeću na razmatranje na Sedmu sjednicu Gradskog vijeća. Obzirom da je do održavanja Sedme sjednice Gradskog vijeća jedan od predloženih kandidata, Aleksandar Seksan, odustao od kandidature, potrebno je da Kolegij Gradskog vijeća predloži Komisiji za izbor i imenovanja Gradskog vijeća, kao ovlaštenom predlagачu, novog člana Odbora.

Toni Vukadin, predsjedavajući Kluba gradskih vijećnika Naroda i Pravde je predložio Kolegiju Gradskog vijeća da Komisiji za izbor i imenovanja kandiduje Muhameda Gafića, te naglasio da je članovima Kolegija dostavljena i biografija predloženog kandidata.

Jasmin Ademović, predsjedavajući Gradskog vijeća je pozvao članove Kolegija Gradskog vijeća da se izjasne da se Komisiji za izbor i imenovanja Gradskog vijeća umjesto Aleksandra Seksana, kandiduje novi člana Odbora iz reda istaknutih javnih djelatnika, Muhamed Gafić.

Nakon uvodnog izlaganja, na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća jednoglasno je usvojio sljedeći **zaključak:** Kolegij Gradskog vijeće Grada Sarajeva, u skladu sa članom 12. stav 3. Odluke o uslovima i načinu dodjele “Šestoaprilske nagrade Grada Sarajeva” (“Službene novine Kantona Sarajevo”, br. 28/19), umjesto Aleksandra Seksana, kandiduje Komisiji za izbor i imenovanja Gradskog vijeća Grada Sarajeva novog člana Odbora za dodjelu „Šestoaprilske nagrade Grada Sarajeva“ za 2022. godinu Muhameda Gafića iz reda istaknutih javnih djelatnika.

Ad 2)

Tekuća pitanja

Po ovoj tački dnevnog reda nije vođena rasprava.

Jasmin Ademović, predsjedavajući Gradskog vijeća je zaključio sjednicu Kolegija Gradskog vijeća u 8,40 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVAJUĆI GRADSKOG VIJEĆA

Jasmin Ademović, s.r.